

宋學士和州張孝祥著 明宗後學張時行

較

張星



七言古詩

和何子應賦不欺室韻

隆興天子開千齡六龍飛天動潛鱗東嘉先生初召對
不欺之論驚廷臣誰令浮雲蔽白日脫幘歸來環堵室
巍巍烏府憶霜簡凜凜螭坳有椽筆魏公眼力無餘子
與公周旋豈其死請公細讀不欺銘一字之褒如魯史

讀中興碑

繡紉兒啼思塞酥重林燎香驅群胡阿環錦鞵無尋處
一夜驚眠搖帳柱朔方天子神爲謀三郎歸來長慶樓
樓前拜舞作奇崇中興之功不贖罪日光玉潔十丈碑
蛟龍盤拿與天齊北望神臯雙淚落祇今何人老文學

題張仲欽所藏隆茂宗畫登瀛圖

老隆已死畫筆枯畫歸天上人間無公從何處得此
圖眼明嶺海三嘆吁天策上將天爲徒指揮群龍清
八區褒鄂英衛供掃除功成告廟金模胡歌童舞妓
不願渠乃此數士相爲娛鐵面苦口談詩書直欲

世如唐虞老隆妙手神所摹蒼頭廬兒亦敷腴祝公
卽歸承明廬願持此道補帝裾

題蔡濟忠所模御府米帖

生前官職但執戟身後一字萬金值當時雷霆下收
拾世間不復有遺逸上清虛皇手自擇編星爲囊雲
作笈流鈴擲火守護密居從何處見真跡知君定通
玉帝籍太微垣中賜餘墨龍騰虎卧摹不得想君神
授五色筆江南鈎鎖腕中力釵折屋漏千態出整整

十卷字猶濕光采激射海爲立平生我亦有書癖對
此儻悅心若失口吐汗下屢太息十日把玩不得食
作牋天公拜稽首乞我此老生時一雙手爲君痛飲
百斛酒墨池如江筆如帚一掃萬字不停肘

賦王唐卿廬山所得靈壁石

湘江竹深韶不傳后夔神禹飛上天泗濱之磬無人
編帝敕此寶淪深淵於乎不知幾千年奇形異質鬼
所鑄青虬赤虎遭縛纏蹙筋怒爪身拘孿自從胡塵
障中原神物變化隨霏煙金聲玉振義不辱六丁徒
置康廬巔靈臺星官未知處但惟寶氣干霄躔王郎

齊居勇淺原飲水泣血天所憐空山無人下群仙似
夢非夢或告旃捫羅獨上果有得失喜而懼心茫然
百夫挽取自包裹解衣更買蠻兒氈緘眉不肯鄉人
說知我好古容觀瞻焚香再拜婁歎息安得致之天
子前安得致之天子前明堂郊丘備宮縣調和正聲
爲上帝簫勺群思收戈鉞朝廷清明用耆哲一律四
海歸陶甄鳳皇來儀獸率舞復古却到虞韶邊是時
賦公筆如椽壁牋爲章登歌篇

月之四日至南陵大雨江邊之圩已有沒者入
鄱陽境中山田乃以無雨爲病偶成一章呈王
龜齡

圩田雨多水拍拍山田改作龜背坵兩般種田一般
苦一處祈晴一祈雨去年水大高田熟低田不收一
粒穀只今萬錢糴一斛浙西排門煮稀粥聖神天子
如堯湯日雨而雨暘而暘天公廣大豈有意爾自作
孽非天殃

近得一二二觀下范詩補笑以爲堪支牀也許送
端州大硯作詩以堅其約

范郎紫玉餘半圭
鬪手作雲雨電隨龍
蛇起陸孔翠
飛雲收雨霽千首詩
薦以文錦盤珠璣
夜光發屋憐
翁知桂州刺史書
成癡單車萬里日
夜馳囊中已無
去年錐欠此石友
相娛嬉范郎笑我
支牀龜忽遣致
我重寶齋金印如
斗不願携愛此直
欲忘朝饑君行
題目古端溪溪石
醜好紛不齊溪邊
之人足謗欺須
君眼力爲辯之更
作萬斛之墨池爲
君大書十丈碑
劉侔示崇寧王舍
題名翰林其父也

崇寧天子開皇極發揮神謨詔群辟十八學士天與
力攀鱗附鳳才一日翰林尚書古遺直不作三公菴
窳窳當時盛事刊樂石後五十年已今昔令我再拜
三嘆息尚有之子似世德不羸其躬且赫奕

黃升卿送棕鞋

編棕織蒲繩作底輕涼堅密穩稱趾帝廷無復夢絲
絢上客還同覲珠履我家江南山水窟日日行山勞
屐齒感君投贈欲別時布鞵青鞋從此始亨衢知子
方着脚直上雲霄三萬里泰階歷盡却歸來赤鳥一

雙應凡凡

贈張欽州

張家承平四姓侯門前列戟金成丘南來清貧家立
壁但有萬卷書滿樓雲山極觀半空寫下有花竹秀
雨野閉門讀易已二年樂天知命忘華顛我行湘中
識此老難兄莫年更枯槁從來戚畹須表勸會聽鳴
珂起朝早衡陽小隱雖深幽去天尺五君無留貂蟬
堯璽何足道君必不爲猿鶴羞

賦沈商卿硯

石渠東觀天尺五壁星下直圖書府琳琅寶鎮出三
山浩瀚簡編照千古右文儲硯一百九鈿匣珠囊護
瓊玖有時清夜發光怪諸儒縱觀容拜手一收朝蹟
歸故園瓦池葦管塗突煙夢尋清都故歷歷起凭書
按空潛然眼明見此超萬石色如馬汗涵玉質白圭
之玷尚可磨澁不拒筆滑留墨摩挲太息不自己呼
兒汲水爲湔洗天遺至寶瑞吾子要與詞林壯根柢
子行飛騫爲帝湏西清承明有佳謀收功翰墨儻乞
我田間自抄種樹書

大雨呈同行諸公

我船千斛初甚遲上灘下灘風薄之百夫撐挽才得
過水淺舟大行無期同來賓客笑鈍滯一葉自買如
鳧鷖瞥波急槳亂藻荇瞬息不見颺車馳忽然昨夜
雷雨作黑雲頽山風捲壑龍門春漲魚鼈亂千渚霄
明鬼神惡蓬飛纜斷泊不得客只一身無處着長年
絕叫客驚起一浪先掀半船水囊衣漂盡到巾履一
夜奔忙沙石裏我時甘寢殊不覺但怪颼颼風到耳
起來呼酒自勞苦水滿涼生差可喜鄉來笑者今却

悲人生淹速那能知明朝轉舵我船快喚客同船莫
嫌隘

吳城阻風

吳城山頭三日風白浪如屋雲埋空北來大舸氣勢
雄卓帆打鼓聲隆隆我船政爾不得去跼促沙岸如
鳥翁長年三老屢彈指六月何曾北風起由來官儂
多齟齬世不汝諧神亦爾我愧此言呼使前順風逆
風皆偶然皇天廣大豈有意想汝噓喜庸非偏甌中
有粟囊有錢與汝飽飯姑留連

金沙堆

玻璃盆中金作堆葯房桂棟中天開洞庭無底蛟蜃
惡君不喚我那能來旁船守風四十日我行昨夜到
磊石山頭望君乞杯琰僮僕歡呼得頭擲二更南風
轉旗脚打鼓開船曉星落秋光淨洗八百里亭午投
君廟前泊斬牲醢酒報君德君今清都豈其食聊湏
醉飽撐船儂明日依舊行南風

欲雪

欲雪未雪天模糊凍行沙尾鷓鴣呼北風刮耳立不

張子湖集
任更騎鈍馬穿枯蘆兩生憐我意不舒江頭三日占
檣烏高堂明朝置安輿買羊沽酒償勤渠

二十五
鑑湖納涼

鑑湖周圍二百里極日平波清到底荷花歲久生滿
湖人來採蓮唱歌起賀家千頃出雲鄉六月荷花風
最涼短楫輕舟來斷續山橫曉月正蒼蒼

二十六
和沈教授子壽賦雪二首

北風吹來燕山雪十萬王師方浴鐵風纏熊虎靈旗
靜凍合蛟龍寶刃折何人夜縛吳元濟我欲從之九
去誓江已有辛毗來仗節

又

今年米貴更風雪破屋荒涼冷於鐵道人三日不出
門卧聽欹簷竹枝折高吟忽送三十韻覲面未覺千
里隔此公也自可憐人家徒四壁衣鶉結君不見漢
時蘓子卿窖中齧齏終持節

又

天公作劇已三白刮面東風利如鐵只今斗米錢數

百更說流民心欲折胡兒打圍涂塘北煙火穹廬一
江隔陛下宵衣甚焦勞微臣私憂長鬱結爾曹忍凍
不足說我輩何時立奇節

二十九 鄱陽使君王龜齡閔雨再賦一首

老農歌舞手作拍一雨紛紛稻花拆去年秋田旱政
苦使君隨車有甘雨旁州不熟我州熟至今中家有
藏穀地確春杭珠滿斛老農左餐仍右粥使君行矣
伊佐湯緝熙和氣無常暘豈徒一雨潤九穀要爲萬
物除干殃

三十 喜晴賦呈常守葉夢錫

使君憂民出至誠欲晴未晴天所矜白衣老人無逢
迎香火未收東方明指揮六龍扶日行群陰卷盡見
太清女擷柔桑男趨耘熙熙和氣滿春城去年歲事
已如許田頭試應老農語淞西更着五日雨麥根爛
盡種不土

三十一 謝劉恭父玉潭月色真石室之賜

玉潭月色冽以清石室千里猶典刑何人遺我雙玉
瓶武夷先生翰林卿約束風雨驅雷霆長鯨夜吸川

爲傾明朝風止醉不醒扁舟徑度君山青

二十三 從張欽夫覓紙

蜀江擣麻色勝玉百金才能致一幅君家入則克棟
宇再拜未肯乞纖粟爲君破慳作此詩擔囊揭篋應
有時比隣寒亡忌唇齒君但勤渠送川紙

二十四 幽興

海涵太陰日西墜晝角一聲城欲閉柴門關上濯足
眠萬事不如高枕睡睡鄉廣大我能容兀兀騰騰興

莫能推枕起瞻河漢近月明庭竹響清風

二十五 七夕

去年永州逢七夕今年衡州逢七夕往來不敢怨道
路迎送但知慚吏卒年年七夕有定時我行屬天那
得知東西南北會逢汝但願強健無所苦

讀書堂在烏江卽唐張文昌讀書處自五代至
宋皆世守之渡江後爲史氏所有

湯有五車書不讀豈似一編勤過日癡兒嚙鬮肆蠹魚
書巨富牙籤塵滿屋市南水竹一畝空平生腹笥史
長公閉戶却掃得真樂冥搜萬古窺鴻蒙淹留歲岿

亦何有策勛茲事要持久吾家文昌讀書處好在溪
山落君手上方治定登文儒東觀石渠森寶書望公
起直承明廬從來海內知名士須讀人間未見書

一作烏江史氏讀書堂

其堂卽唐文昌公云云

長短句

張欽夫筍脯甚佳秘其方不以示人戲遣此詩

使君喜食筍筍脯味勝肉秘法不肯傳閉門課私僕
君不見金谷饌客本萍蓬豪也藉此真成癡但令長
須日致饋不敢求君帳下兒

蒙和荅益奇輒復爲謝

齋厨極蕭條晚食以當肉公來共蔬盤留語輒更僕
平生懲沸仍吹羹欲了官事渠能癡何時竟作淮南
歸擊鮮校獵從廬兒

少君不見三二字

五

張欽夫送笋脯與方俱來復作

笋脯登吾盤可使食無肉
鮭腥辟三舍棕楸乃臣僕
書生長有十甕蓋却笑虎頭骨
相癡得君新法也大
奇且復從游錦綉兒

少君不見三字

七言律詩

進芝草 二首

廟錫珍符豈偶然
靈華再見只經年
祥開二室昭詒
燕根託同楹
自屬聯上瑞
應誠雖紹至宸衷
思者益
增虔微臣願
考皇天意不獻終童效異篇

又

煌煌瑞彩映金鋪
元氣回旋卽此都
太史連年書盛
事近臣更日奏
新圖璇宮薦祉寧
虛應玉葉流芳已
兆符早晚清塵欵
原廟臨觀敢請駐前驅

某頃蒙信陽使君教以邊字韻佳句伏讀降嘆
病勸荅謝甚緩復不能奇仰俟斲削

二首

風流追數建安年誰遣朱轡並塞邊舉國向來儒服
少是邦端有大夫賢須公帷幄收長策着我江湖刺
釣船池閣追涼肯臨否紅粧翠蓋擁三千

又

百謫歸來又一年投身烽火戍樓邊私憂自笑愚無
策制勝懸知國有賢北去燕然堪勒石西來樊口看
燒船中州更有王夫子筆陣猶能獨掃千

子雲壓境先遣詩次韻

相風日日問長年鷓首遙知近箇邊別後情親難過
我故家人物更誰賢一尊且對荒城酒六月休牽上
水船小此淹留待追詔公車歸奏獨三千

送劉伯同侍開府公入覲

相公早勒太常銘康樂當家更典刑槍急曾看飛鳥
過筆精時作換鷺經極知許國心常赤起取封侯鬢
尚青若到都城見知舊爲言江漢有浮萍

謝元封
康樂公

送子雲倅荊州

二首

閱世波流險未涯愛君悃悃靜無譁高門自昔聯三
戟飛珮何當乞九霞喬木世臣餘故國采蘋齋女甚
宜家君王早晚思前席會有徵書訪賈嘉

又

荆吳相望各天涯惜別尊前菊未華便放扁舟衝駭
浪要看秋日冠輕霞新詩滿路分吾子盛業康時是
故家好去依劉靜邊瑣策勳行卽賜褒嘉

枕上聞雪呈趙郭二丈

上瑞來寧玉座憂夜聲先到竹窻幽饑腸已作來年
飽病眼聊須臆月收高士清貧無弊履故人狂興阻
扁舟却思清曠江邊路鶉兔成車酒自芻

湖上晚歸遇雨

陰雲靄靄草萋萋晚過東湖雨濕衣細柳含煙凝翠
色浮鷗戲水弄晴暉輕舟繫纜斜依岸釣子收綸欲
下磯湖上人家未扃戶兒童蓑笠負薪歸

雨入廬山

夢想匡廬一段奇經行那得雨追隨

追字一本
作相字

晴來

見說山逾好勝處如今自我知虛室真人珠咳唾已

庵老子白鬚眉並游三士風流甚袖手傍觀定有詩
清虛真人皇甫坦東林
長老道顏俱在山中

再和

借一本雨尋山故自奇幕中佳客肯相隨清游端拜

使君賜此樂詎容兒輩知暗谷水來鳴雜佩遠峯煙
斷出脩眉庾樓百尺江千里遙憶憑高政索詩

郡侯遣騎至山中餽名醞輒呈長句用黃宰韻

山前山北雨生寒竹樹風煙蒼莽間青壁倚天元未
見白衣送酒故相關共追蓮社公應許穩上籃輿我
欲還後日重來攔一月細扶藜杖覓孱顏

去年三月三日雪霽入昭亭訪應庵如庵二老

今年在臨川追懷昔遊用寄卮庵韻

寒驢衝一本雪度松林齧石溪流有令音上齧字一
本作漱

旋摘白雲濡燥吻更繁黃蘗印初心嵐開複嶺屏千

疊凍合浮圖玉數尋一夢經年歸去好宦情全薄此

情深

卮庵自東林欲還蜀某以報恩招之大人賦詩

勸請再次韻

憶携拄杖過東林，掣電奔雷聽法音。
青壁倚天元滿眼，白雲出岫本無心。
峩眉江險公無渡，法眼泉清我欲尋。
手種庭前栢樹子，孤根應比鄉來深。

用韻簡天童應庵

敬亭松竹古蓂林，二老風流舊賞音。
樓閣長開太平像，鍾魚能洗祖師心。
別來黃鵠還千里，盟在白鷗當再尋。
却憶西堂大言客，只今高坐海雲深。

奉陪宣守任使君謁昭亭神祠

二首

緩驅千騎出朝京，門名喚得春回眼界青。
旗脚靈風來廟步，馬蹄山雪過昭亭。
極知太守懷忠款，端爲君王薦德馨。
慚愧去年冬十月，軍書徹夜聽鳴鈴。

又

豐年已卜稻如京，雪盡春從草際青。
竹裡紅旗行點點，松間白塔見亭亭。
煖回宿麥開寒色，風約疎梅度晚馨。
却憶宣城李太白，也將詩句掣齋鈴。

太白詩云昨日方爲

宣城客掣手鈴
交通二千石

任守作醮爲民祈福先期而雪是日開霽

紫府仙人自列真，綠章封事更通神。
清塵已作連宵

雪不夜潛回萬屋春玉節珠幡來浩蕩雲車風馬正
紛綸步虛聲徹朝元路便挈荷囊款帝闈

應庵退席蔣山寄居昭亭萬壽三請不得已而
應輒贈長句兼簡蘓內翰尚書一首

逍遙丘壑欲忘年忽作風蟬蛻骨仙鍾阜却從三昧
起靈巖重耍一燈傳極知掃迹終無策且與臨岐快
着鞭莫作山林城市想從來大隱故居塵

不寄音書又隔年因師問訊玉堂仙碧油早覺儒爲

貴青海應無箭可傳憶昔絲綸催喚仗何如沙路飛
鳴鞭生涯落實公知否準擬松江受一廛

辛巳冬聞德音二首

帳殿稱觴送喜頰德音借與萬方春指揮夷夏無遺
策開闢乾坤有至神南斗夜經龍虎氣北風朝蕩犬
羊塵明年玉燭王正月擬上梁園奉貢珍

又

韃靼奚家款附多王師直到白溝河守江諸將遙分
閩絕漠殘胡競倒戈翠蹕春行天動色牙樯宵濟海

無波小儒不得參戎事賸賦新詩續雅歌

二十四 和曾裘父韻送老人赴鎮江

邊箭收聲江不波廬山高處與天摩向來只作青鞋
計此去無如紫詔何鯨起注禱煩翦拂經餘蓮社更
磋磨文成本自籌帷幄不擬黥彭戰伐多

二十五 上丁齋宿

青衿陪祀憶初年老矣齋居重慨然俎豆不知鷺鸕
事牲牢空薦犬羊羶北來被髮車連野東去乘槎浪
接天極目中原煩盱食受膳歸去淚如川

二十六 和總得居士康樂亭韻

尚憶池塘夢何連當時此意尚無傳新車
氣格稜層壓大千塵豈遠盡思條然龍門不障洪河
決喬木終隨故國顛柳下煨工真得道竹林酒友謬
稱賢先生義槩雲天薄千載參渠活句禪

二十七 寄張真父舍人 二首

玉珮瓊琚出近班仙槎從此到人間聊須海內無雙
士往鎮坤維百二關御府應留霜簡看鄉人休羨錦
衣還嗚呼國步艱危日補袞懸知欠仲山

二十八 又

投分平生不數人，憶陪文館笑談新。
資中冢樹看成拱，荆府詩筒迹又陳。
已恨別離空歲月，那知解逅亦參辰。
古來命駕須千里，薄宦區區愧此身。

中秋觀月齊雲樓用孫昌符韻

玉宇無塵夜氣清，銀河徹底素波明。
人應好月同千里，身在高樓近五城。
丹桂定知憐我老，綠荷何惜爲君傾。
建章鳩鵲當年夢，便欲憑空上玉京。

題魯如晦通隱堂

先生早結社中蓮，蓬隱憑熊亦偶然。
不向江湖忘魏闕，故應山澤有儒仙。
十洲便着登瀛士，三徑難留避世賢。
我亦經營一丘壑，問公先乞小壺天。

同胡邦衡夜直

慕用高名二十年，敢期丹地接周旋。
先生義與雲天薄，老去心如鐵石堅。
夢了瓊崖身益壯，煙銷金塢臭空傳。
一尊莫惜空相屬，宮漏穿花夜色鮮。

雪晴成五十六字

鳥鳥聲樂作初晴，日到南窓氣象新。
天接瓊瑤三萬頃，樹明組練五千人。
已從炎海消陰翳，更與神臯洗

戰塵曾侍嚴宸知帝力隆興借與萬方春

三十三 將如會稽寄曾吉甫

起居一代文章老闕寄音書恰二年詩債未還緣懶
拙宦游如此竟危顛會稽舊有探書穴賀監應尋載
酒船我欲從留十日飲問公乞句手親編

三十四 過昭亭哭二弟墓

陌上春風久矣歸墓頭衰草正迷離白頭未拔三年
淚黃壤長埋短世悲憶昔追游常並轡只今獨往更

題詩兩兒二弟俱冥漠顧影冷傳欲語誰

三十五 贈邕州滕使君

千騎東方白玉鑣十眉環坐紫檀槽安南都護來鰲
禁建武將軍握豹韜瘴雨蠻煙驚鼓角朔雲邊雪滿
旌旄夕烽不到甘泉殿尺一徵還近赭袍

一 齊山

江山平遠三千里水石嵌空一百巖地闢天開成洞
府峯回路轉有精籃九華卻立纔堪倚萬井橫陳我
所監欲賦齊山無傑句夢中危壁尚巉巖

一本作提
筆上巉巖

夜讀五公楚東酬唱輒書其後呈龜齡

同是清都紫府仙帝教彈壓楚山川奎躔錯落珠連
緯嶽鎮岩崑柱倚天宮羽在縣金奏合驂駟參隊寶
花鮮平生我亦詩成癖却悔來遲不與編

七

薦福觀何卿麟壁間詩對之悵然次前韻

金華老子定臞仙翰墨文章徧兩川遺迹已驚風落
木高名依舊日行天人間易得朱顏老寺壁空懸玉
唾鮮欲繼三賢歌薤露嚴詩杜集儻同編

七

再用韻作五公詩

公如韓子定飛仙更喜門人老玉川莫厭詩筒頗度
令郎看侯弁去朝天飛龍位正雲霄近集鳳樓高飛
色鮮我欲扁舟君記否但教歸去雜民編

七

蒙侍御丈再用韻作送行詩走筆和荅迫放船

不暇工也

憶曾總領道山仙自挽狂瀾制百川廷策萬言功蓋
世臺評三上力回天楚東賸喜詩郵速天北催頒詔
墨鮮我老江湖堪野史看公勲策手親編

七

王龜齡携具同洪景盧王嘉叟餞別於薦福卽
席再用韻賦四客詩

使君領客訪金仙小隊旌旗錦一川我欲采芝非辟
世公當立極要擎天詩聲政爾容傳藁僧律何嘗禁
割鮮一笑翻陽逢歲熟問公鍾磬幾時編

登清音堂其下琵琶洲也再用韻

夜橫霜竹夢遊仙曉到餘干月滿川山遶樓臺欲無
地水環洲渚更連天明霞一抹朱絲直芳草分垂綠
綬鮮却憶洞庭張樂地石鐘浮磬定同編

餘干趙公願賢宗室也魏公題其堂曰養正且
爲作銘取易頤之義

眼裏紛紛不要同從教三徑滿蒿蓬肯來與子談周
易此去何人識魏公家近星辰雙闕北身居煙浪五
湖東清臺有日占雲氣一丈豐碑夜貫虹

雞籠福地在歷陽將至豐城望一山宛然感之
賦詩

黃茅白葦徑才通忽見晴嵐掃翠空從吏只今俱蠶
戶仙山何許是雞籠逢人漸覺交游少問路仍行盜
賊中自是龕才合龕使瘴鄉那得便途窮

午憇道傍人家

一嶮人家竹樹涼午陰深處着胡床石泉政似煮茗
沸稻花已作炊秔香夢到家園歸自好起尋官路去
何長塵埃滿面迎西日底處青山是故鄉

入清江界地名九段田沃壤百里黃雲際天他
處未有也

野水瀰漫欲漲川稻雲烘日更連天定無適粵千金
橐可買臨江九段田黃犢眠邊高樹蔭白雞啼處遠
炊煙此中若許投簪紱便老鋤耰卜數椽

題吳城廟

乞得東歸一信風敬持牲酒扣靈宮千尋石秋瓦蒼藤
合百歲神倉赤青空廟有神倉每遇覆舟則赤氣起滄滄午陰移岸
樹蕭蕭涼意滿船蓬杖藜更作僧坊去借筆題詩却
未空

呈樞密劉恭父

鼎席方虛望已隆上游那得更煩公敢言兩鎮成交
契自是孤根累化工舊弼新開元帥府閑官且領太
平宮歸家淨洗如椽筆準擬燕然勒駿功

翁子功湯補之遠送海錯甚珍

張子海集
白手燒烏羊見未曾青蛇赤蟻當常珍忽驚海物來登
塵能致南京有故人萬里漂流憐逐食百年麤糲愧
嘗新新篇恰趁來時熟細酌梅花雪片春

十五
張仲欽朝陽亭

亭在建康

便合朝陽作鳳鳴江亭聊此駐脩程南瞻御路臨雙
闕東望仙家接五城日上白門兵氣靜春歸淮浦暗
潮平遙憐幕府文書省時下滄浪自濯纓

十六
次韻

二首

明年余爲桂州仲欽以常案官十六人薦爲廣西
提點刑獄公事又明年余罷去仲欽直秘閣實代
命蓋仲欽常遊朝陽巖而樂之於余之行也仲欽
置酒巖上諸侯賓客咸集顧不可以無語乃賡建
康之詩以記余與仲欽事契如此爲嶺表異日雄
觀云

空巖相望一牛鳴不要郵籤報水程天接海光通外
徼地連江勢挾重城絲綸疊至龍恩重繡斧通驅蚤
霧平鳳閣鸞臺有虛位請君從此振朝纓

又

張子湖集
饑腸得酒作雷鳴痛飲狂歌不自程坐上波瀾生健
筆歸來鐘鼓動嚴城不應此地淹鴻業盍與吾君致
太平伏櫪壯心猶未已須君爲我請長纓

送張司戶還蜀

似向川人有夙緣交游存沒最多賢今年初識張公
子六月還尋上水船萬里親庭心已到一杯別酒意
空傳西行賸有新詩句寄我應書十樣牋

和仲彌性煙霏佳句兼簡貳車

二首

收歛經綸寄一麾戲分風月與煙霏醉餘綵筆三千
首老去蒼官四十圍露菊溥秋催落帽蠟花摧夜照
更衣登臨縱好難畱滯白髮雙親待汝歸

又

引手星辰逼太微盪胸雲物散空霏莫山好處青成
案秋月明時雪打圍竹洗佳人千點淚荷翻仙子六
銖衣西巖定有漁翁宿障雨攔風不肯歸

庾樓和林黃中韻

九月扁舟下水風一尊佳處與君同眼高四海氛塵
外詩在千山紫翠中傾座只驚談麈白踏筵不怕舞

衫紅樓頭今古無窮事醉倚胡床月滿空

高遠亭和林黃中韻

簷桶飛翔入太空下窺廬嶽最高峯亭如峴首應遺
愛詩比西湖欲亢宗天上喚君從此近酒邊着我幾
時重憑欄欲去仍回首誰與佳名自點胸

與同僚十五人謝晴東明得淵字

靈光徧滿恒沙界大士重來七十年秋入郊原成樂
歲風隨簫鼓散香煙定知蠻獠安三窟更遣蛟龍閔
九淵太守憂民但逃責所忻畢至有羣賢

釋奠

又領諸儒款泮宮車書同處禮應同栢庭老影留江
月竹屋寒聲作社風坐客語殘香一穗候人催起鼓
三三通歸來稅冕仍分肉更覺休官興未窮

風雨石首呈同行寄荊州僚舊

昨日離筵酒未醒今朝風雨暗江亭近人積水春全
綠隔岸荒山夜却青野吏衣冠行木偶客船燈火散
疎星寬程且作三句約要看廬山紫翠屏

江行再用前韻

別子清集
澤畔行吟我獨醒歸程不計短長亭西風送浪頭頭
白芳草隨人段段青昨夜疎蓬猶窘雨今朝嚴鼓欲
侵星無人去喚華容宰畫我江行作小屏

二十七

次韻黃子餘

縮肩得句極酸寒何似黃郎咳唾間少日曾經諸老
學傳家自有祖師關詞林根柢今誰在振古風流要
力還我老故應無用此因君猶欲更睎顏

二十八

去臨川書西津漁家

昨客臨川又一年却尋歸路淺灘船宦游到處真聊
爾別恨何須更黯然夾道長紅慚父老繞城濃碧記
山川無端此地成畱滯定自從渠有宿緣

二十九

將至池陽呈魯使君

珍重池陽魯使君忘年交契獨情親江山佳處公開
府風雨來時我問津翠逼筍輿松徑合綠隨秧馬稻
畦新東歸賸作登臨好病怯詩腸故惱人

三十

上元設醮畢作長句

綠簡朱書自叩真馥爐香霧晚細縕雪花便作茶花
白春色還隨月色新江漲不憂堤萬丈年豐豈何啻粟

千困微生只擬休官去拜昨歸來吉夢頻

三十一 齊安郡夫人挽章 錢長王之孫女 楊子寬之內子

儲祥吳越王家子 媿德蓬萊閣上仙
湯沐幾年開大國 筭珈長夜揜窮泉
鸞臺曉月悲塵鏡 鳳軫春風泣斷絃
木落葦枯何限恨 藁砧應賦悼亡篇

三塔寺寒光亭 見南畿梵刹志 增

亭依三塔占清幽 松竹環除翠欲流
曉色晴開千丈月 波光冷浸一天秋
瓊瑤影裡詩僧屋 雲錦香中劍客舟
風送不知何處笛 雁聲驚起荻花洲

咏梅次韻 二首 見萬花谷 增

樓上簫聲欲斷魂 仙官分與一枝春
旋催粧額添宮樣 細撚香鬚數玉塵
月下精神宜淡貯 雪邊肌體更清勻
老來花事無消息 只有君詩當寫真

又

天與孤標不受塵 生憎桃李鬪芳新
詩成名下無虛士 花在身邊當麗人
只恐素英欺白髮 試煩纖手插烏巾
風流今代神仙尉 管得河陽縣裡春

七言絕句

殿廬偶成

簾幙垂垂燕子風
宮花春盡翠陰濃
日長禁直文書靜
寶燕時時一拆封

和劉國正覓雌黃

二首

劉郎家具少於車
只有詩囊未厭渠
乞與丹鉛將底用
點勘腹中行秘書

又

蠻牋欹斜落傑句
清似秋月橫蛾眉
口中雌黃蓋天

下聊欲教我煩新詩

四 蠟梅

滿面宮粧淡淡黃絳紗封蠟貯幽香遙憐未識春消息乞與一枝教斷腸

十五 次韻左舉善木樨

想見秋花插滿頭遙憐不負此山遊一枝併與詩筒饋氣壓西湖萬斛秋

十六 以茶芽焦坑送周德友德友來索賜茶僕無之也

帝家好賜喬雲龍祗到調元六七八公賴有家山供小草猶堪詩老薦春風

十七 又

仇池詩中識焦坑風味官焙可抗行鑽餘權倖亦及我十輩走前公試烹

十八 蘄春道中

霜淨波平水落灣我行正在畫圖間簾鉤不用怕風日且看江南江北山

十九 次江州王知府叔堅韻八首

說河不救癡兒渴砥柱乃障頽波流庾公樓中三昧
手何時歸侍殿西頭

又

霜餘江北山如畫歲晚家鄉稻作京萬里公方黃鶴
舉扁舟我自白鷗盟

又

今朝放纜好天色過午忽作打頭風却望江州纜十
里我船且繫蘆花中

又

廬山突兀上霄漢使君豪氣與相醜廬山雖好不足
戀歸矣當爲蒼生謀

又

連城鼠璞不足唾千金敝帚誰能醜只今機會不容
髮願借前箸君當謀

又

谷簾釀酒極清美風味大似主人翁我有一尊正傾
寫却思煙雨庾樓中

又

何人列屋閉嬋娟憶對清歌重慨然一笑相憐窮相
眼謗撩詩思入愁邊

又

經行有恨是陰雨不見香爐生紫煙安得草堂容一
榻聽松聽水日高眠

道間見梅

寒女生來不解粧天然玉色照孤芳疎籬茅舍無端
恨故有幽人與斷腸

題定山寺

時十六歲

蹇驢夜入定山寺古屋貯月松風清止聞掛塔一鈴
語不見撞鐘千指迎

又

千山蒼茫月東出萬木擺搖風怒號幽人隱几撫羣
動清燈明滅爐煙高

昭亭食柑

一雙分我洞庭秋梨棗傍觀不那羞喚得風霜回齒
頰夜尋清夢五湖舟

和如庵

六首

厭聽諸方三昧禪却思夜雨對床眠欲知千偈如翻
水看取朝來綠漲川

又

不談世法不談禪徹曉齣齣一覺眠箇裏神通元不
小回風急雨震山川

又

朝供爐香夜供燈閑來落得困曹騰如庵許我參堂
去長作昭亭粥飯僧

又

一燈分作百千燈光徧河沙正鬱騰稽首應庵休棘
擇直須傳與在家僧

又

道人受傷自然燈筆底光芒夜夜騰詩成十手不供
寫鑿齒敢對彌天僧

又

飛蛾撲撲誤占燈火色何人要上騰我已澹然忘世
味蒲團紙帳只依僧

又

楓橋

四年忽忽兩經過古岸依然宰堵波借我繩牀消午
暑亂蟬鳴處竹陰多

二十六 題西湖可賦軒

風光獵獵上烏巾不那西湖爛熳春借我繩牀對脩
竹爲君一洗軟紅塵

二十九 題胡敦約山行圖

松行石磴兩崎嶇此去長安路更迂底箇官儂強健
在葛巾芒屨自騎驢

三十 從張唐卿乞韭黃

雪壓畦蔬僮手斲度郎多日欠常珍懸知旅食初無
恙窖裏黃芽借得春

三十一 送紙衾韓中父 二首

韓郎香盡諸緣絕壞衲篝燈供佛熏乞與紙衾綿樣

暖撩教醉裏本作 夢紛紜

又

了知夢境皆虛妄妄念常從夢處開敗子道心因此
夢夢成還我紙衾來

三十三 再用韻 二首

雪中紙衾有奇趣煖香夜作椒蘭熏毗耶丈室本無
病天女爲散花紛紜

三十四 又

雪花如席風色惡擁被圍爐門不開我亦窮閭車馬
絕一杯相屬望君來

三十五 將至宣城和壁間韻寄王宣子

一笑歸來見在身倒傾江水洗淄塵騎驢緩緩東風
裏知有工夫展故人

三十六 寄當塗王守叔堅

隔江燈火夜深明見說江城犬不驚黠虜頭顱當獻
社使君胸次有長城

三十七 隱靜覓杉株

舊聞隱靜庭前栢虎嘯龍吟三十秋我亦經營一丘
壑無根樹子却須求

三十八 題夏氏莊

平湖漠漠雨霏霏壓水人家燕子飛欲向湖東問春
色杏花無數點征衣

三十九 舟中卽事

張子湖集
夜行水澁舟難進月白林稀鳥易驚老去不堪霜露
力尊中微覺似多情

四十 小憇孫氏竹軒觀諸公詩 二首

開軒種竹仍留客想見此翁強健時借我繩牀小盤
薄爲君試讀壁間詩

四十一 又

種竹主人今白髮題詩客子半青雲北來南去何時
了風月依然只此君

四十二 王龜齡遣妓送酒賜詩走筆爲謝

不復襄王夢裏雲紛紛縞袂與青裙鳴鞭枉送齋中

釀病徹杯觴欠薄醺

四十三 與薦福

湖上童童百畝陰丹樓碧閣照清深不嫌歌板相喧
聒要見桃花印此心

四十四 豐城觀音院有胡明仲范伯達汪彥章諸公題

字

中興人物數諸公遺墨淒 一本 然野寺中欲訪英靈

無處所獨搔蓬鬢立西風

四十五 入桂林歇滑石驛題碧玉泉

百折崎嶇嶺路頭一環清駛石間流須君淨洗南來眼此去山川勝北州

四十七 和都運判院韻輒記卽事 七首

登臨不但爲山水玉節政爾觀民風因君引我看勝處詩在千山煙雨中

四十八 又

平生烟霞成痼疾置在朝市殊不宜夢尋歸路向何許淮南小山生桂枝

四十九 又

先生名字帝所識二節在道已相望早晚鳴珂朝玉闕朱衣正在殿中央

五十 又

便建油幢上木天棠陰元不用蒲鞭南州小試調元手國步多艱政要賢

五十一 又

綠簑青笠舟一葉黃麻紫誥言如綸君扶日月行黃道我向江湖作散人

五十二 又

盆池雖小亦清深
要看澄泓印此心
不嫌蛙黽相喧聒
夜靜恐有蛟龍吟

五十三 又

君詩我續貂不足
曹鄴大楚非匹儔
要知二人唱必和
異日盛事傳中州

五十四

敬謝經畧秘閣餘甘湯 二一首

甘言誤我三折臂
良藥為洗五斗腸
欲知苦過味方永
請試君家肘後方

五十五 又

此老才堪上諫坡
南州雷滯意如何
還將苦口劇英主
醫國懸知藥籠多

五十六

德慶范監州以子石硯寵假雖小而奇戲作 二一首

會侍虎呈玉案前
夜書蠶紙筆如椽
莫嫌此石規模小
一寸玄雲萬斛泉

五十七 又

端溪別駕極風流
白壁明珠不暗投
笑我支牀已多許
須君隱几更冥搜 一本作便宜搜

以水仙花供都運判院二首

十月西湖水齒涼梅間松下小齋房幽芳靚色天爲
笑落莫南來也自香

又

瘴土風烟那有此却疑姑射是前身冰肌玉骨誰消
得付與霜臺衣繡人

再和二首

雪屋因君發妙思作歌可比漢芝房根塵已證清淨
慧鼻觀仍薰知見香

又

玉壺寒露映真色霧閣雲窻立半身可但凌波學仙
子絕憐空谷有佳人

和仲欽題粉巖

一麾靡我久追從悵望千山紫翠重忽向郵筒得新
句知君正在碧蓮峯

仲欽寄民爲重齋詩和荅五首

齋中寒日影瓏葱齋外參天十八公二十四州民樂
否莫教一物怨途窮

六十四 又

玉節南來兩使星
埋輪折檻有家聲
不嫌齋榜民爲重
去國當時一葉輕

六十五 又

德意丁寧到綠林
都捐刀劍作齊民
皇華入奏天顏喜
趨得朝元第四春

六十六 又

行邊使者幾時回
寄我清風欲滿懷
已把十詩鐫樂石
爲公滿意落新齋

六十七 又

蠻烟瘴雨侵行李
每向南雲有所思
定自爲民忘涉險
請君細讀寄來詩

六十八 從珪老求竹

東窻便種千竿竹
準擬清風六月涼
傳語報恩珪長老
相煩去作竹街坊

一 偶得四月菊以奉提刑運使 三首

午陰籬落小纒回
底許清香鼻觀來
定自霜臺風力峻
故教霜菊暑中開

十一 又

金縷裁衣玉綴裳
掃除瘴暑作秋香
一杯擬做重陽賞
更借西風一夜涼

十二 三

偶得新茶獻提刑
丈既壽北堂
太夫人亦可助
齊眉之餉也

龍焙新春出尚方
細君佳句總堪嘗
遙知舉按齊眉處
再拜萱堂壽未央

十三 四

鄭義寧送蓴菜

我夢扁舟震澤風
蓴羹到筯晚盤空
那知嶺海炎蒸地
也有青絲滿碧籠

十四 五

贈甘法曹

北嶽仙人汗漫遊
斯文曾到海邊州
誰憐詩禮甘公
子牢落青毡向白頭

十五 六

贈劉全州子龜從兄弟

山到湘中青未了
月橫嶺北夜何其
問字劉郎能載
酒為渠更賦一篇詩

十六 七

和蔡濟忠溪上

一潭秋水不見底
十里暮山無斷頭
長恨公餘過溪

晚放教明月上扁舟

廣右無筆劉子思携一束來擇其尤者作字但如此它日中州有筆當愛惜也

劉侯贈我筆一束筆鋒如錐管如玉不嫌夜艾剪銀燭為君一掃千兎禿

登七星山呈仲欽 二首

魁杓歷歷控雲嵐地闊天虛萬象涵不與天公管喉舌猶堪嶽立鎮湘南

望白雲無處滿地載來恩醞過江南

壽老迂使者以齋素不置餞 二首

火雲飛焰擾簷前淨滌齋厨幾不羶定自隨車有甘雨為言星使早加鞭

又

潘府東行迓繡衣海雲山月照旌麾錦囊賸有新詩句寄與幽人莫遣遲

臨桂令以薦當趨朝置酒召客戲作二十八字

遣六從事佐之壽其太夫人

雙鳧舊作朝天計一鶚新收薦士書不惜持杯相煖
熱白頭慈母最憐渠

風洞

山入烏蠻連越嶠天開斗野對珠宮應憐嶺海長炎
熱乞與清涼萬竅風

羅江驛

湘南湘北三十里六月七月再經過紫荊花開白酒
賤柰此湘中風月一本作何山水

秦城

塹山堙谷北防胡南築堅城更遠圖桂海冰天塵不
動那知壠上兩耕夫

龜潭

浯溪見渠文字古龜潭有此竹石幽王孫賣藥城市
去江雨過時余獨遊

早發衡山

飛廉甚怒土囊口美滿風帆真快哉後日南山山下
過更畱餘力掃塵埃

西湖

岸草汀花對夕陽
滿船新月夜鳴榔
秋清菡萏紅千柄
風靜琉璃自一方

舟中 五首

扁舟東去幾時還
身寄雲濤洄漭間
一夜櫓聲鳴到曉
覺來滿眼是它山

又

山園平遠水浮天
目送歸鴻落照邊
好趁新年釀雲液
歸來猶及牡丹前

又

亂山深崦小蹊斜
野水微茫滂斷霞
一笛晚風生碧樹
始知林裏有人家

又

南來北去祗紛紛
又過荆山一月春
笑殺風前桃李樹
飄蓬猶作未歸人

又

泊船江口夜深深
月傍蓬窓照淺斟
隔岸漁燈半明滅
不眠空有故人心

二十五 喜雨

已晴復雨雨還晴慣閱人間夢不驚
小立欄干搔短鬢亂雲飛度夕陽城

二十六 謝黃王管

一杯爲我貫天刑便覺人間有獨醒
憶昨金華侍經席曾分甘露飲春庭

二十七 有懷

故人春夢誰復見故園梨花二月天
丁祝王人時醉賞荊州寒食又經年

二十八 廣右道中 二首

參天古木綠陰合峻極層巒瀑布長
啼鳥一聲家萬里依然無語對斜陽

二十九 又

觸鼻野花香泛泛勸歸啼鳥意諄諄
嶺南三月已煩暑猶向江頭細問津

三十 贈鹿苑信公詩禪 二首

詩卷隨身四十年忙時參得竹筲禪
而今投老湘西寺卧看湘江水拍天

十一
又

句中有眼悟方知悟處還同病着錐一箇機關無兩
用烏窠拈起布毛吹

十二
三十二

聞德遠與曾裘甫黎師侯會飲范周士所 二一首

海棠開後碧桃開寒食人家燕子來一病閉門三十
日更無屐齒到蒼苔

十二
三十三
又

張飲名園樂有餘奉當何苦但齋居一杯我亦垂涎
甚病起無聊只羨渠

十二
三十四
又

臞曾句法早知名新築詩壇五字城不要綈袍憐范
叔應將石鼎調彌明

十二
三十五
水仙

淨色只應撩處士國香今不落民家江城望斷春消
息故遣詩人詠此花

十二
三十六

賦衡山張氏米帖

人物千年海嶽翁筆精墨妙與天通傳聞有帖藏張
姓怪底湘江月貫虹

十一
借魏元履畫

復古殿中畱醉墨只今神品世間無
衡山尚畫傳家寶花鴨來禽肯借不

十一
三十一
欽夫折贈海桐賦詩定叟晦夫皆和某敬報况

童童翠蓋擁天香窮巷無人亦自芳
能致詩豪四公子不教辜負好風光

十一
三十九
贈周義山子季隱

迺翁幾年在黃閣郎君四十猶白丁
一家榮瘁不足道誰持此意聞天庭

十一
四十一
樞密端明先生寵分新茶將以麗句稷然清風
久矣不作感歎之餘輒敢屬和
三首

伐山萬鼓震春雷春鄉家山挽得回
定自君王思苦口便同余出薦鹽梅

十一
四十二
又

先生筆勢挾風雷春色先從筆底回
欲笑龐官成湯與望林止渴竟無梅
茶爲對卒所竊但詩筒至耳

十一
四十三
又

詩腸隱隱轉饑雷

一本作殷殷作驚雷

春困無人與喚回強續

新詩終不似空傳衣鉢向黃梅

十一 送慈曼如金山迎印老住大瀉

傳語金山山下龍乞將上水一帆風道人自有飛空

錫只載中泠十丈洪

十二 小山書院 為劉之翰作

萬里清江占一灣藜生桂樹點幽閑誰人得似劉郎

子賦到淮南大小山

十三 舟中熱甚從鄂守李壽翁乞冰雪櫻桃

熟顆櫻桃 一本作種沙 和露摘新冰削玉碎風開南樓縱

作一水隔不遣小舟衝浪來

十四 夜半走筆酬壽翁 二首

短篷掀舞不得寐忽枉新詩手自開主人畱客不作

意更送一江風雨來

十五 又

二年塵土堆中坐一到南樓眼暫開風靜江平畱不

得特教黃鵠送詩來

十六 琵琶亭 三首

江州司馬舊知音流落江湖感更深萬里故人明月

夜琵琶不作亦沾襟

十一
四十九
又

潯陽江上琵琶月彭澤門前楊柳風兩賢底許不相
似哀樂雖殊吾意同

十二
五十
過三塔寺 一首

湖光瀲灩接天浮風捲銀濤未肯休夜岸繫舟來古
塔不妨蹤迹更遲留

十三
五十一
又

層巒疊嶂幾重重萬頃煙波浩渺中釣艇未歸饒夕
照耳邊蘆葦戰寒風

十四
一
玉淵亭

靈源直上與天通借路來從五老峯試向欄干敲柱
杖爲君喚起玉淵龍

十五
二
萬杉寺 一首

莊田總是昭陵賜更着官船載御書今日殘僧無飯
喫却催積欠意何如

十六
三
又

老樹參天一萬株廬山佳處着浮圖只因買斷山中

景破費神龍百斛珠

楞伽寺

硃砂峯下楞伽寺白髮僧生乙丑年乞我一杯清淨
水為扶腳力上層巔

又

天圍欲盡三千界地險真成百二關不向中峯最高
處諸君元未識廬山

又

山北山南劫火餘如何畱得此僧居一本作廬可憐鐘閣
二三枝竹無復山房萬卷書

鸞溪

蒼龍翔舞餘千仞瀑水奔流欲百盤定自山靈憐寂
寞故教臨鏡有窺鸞

漪瀾堂

水湧春洲到處通檣竿無數插空濛主人只愛堂前
木不放廬山入眼中

和家君韻寄舅氏

夷齊之清格鄙頑孳孳盜跖何曾閑空齋風定香縷

直但有書冊猶相關

送猿翟伯壽

萬里歸來無首荷扁舟共載兩猿君今日送君向何處黃鶴山中多白雲

奉題富文橫舟山

山林城市不相得此處俱勝天下降欲展江天千里橫舟西南更開窓

子餘許修草堂遣句勸請

蓮社高人久寂寥草堂風物故蕭蕭追還舊觀須公等喚我它年寄一瓢

次韻南軒喜雨

午窓溜雨忽潺潺想見欣然阡陌間敬簡高賢報豐稔喜承甘澍濟民艱

有懷長沙知識呈欽夫兄弟

順寧去覆郎官錦府穀仍監太府錢唯有吾宗老兄弟閉門依舊絕韋編

又

春風花柳又芳妍更接髯郎水竹園小閣橫橋俱勝

山下有喜雨詩
三首又詩十首
另鈔補

絕只應欠我共開筵

二十九 又

召公分陝是東隣天遠堂中好主人更喜新來黃太史
臚擲佳句了新春

三十 又

髯郎高卧元無恙何日湘濱具一舟肯約春風同過
我為公醜酒炙肥牛

三十一 又

洛陽家世邢郎子閒止逍遙自在身病肺秋來定藉
甦可能乘興到沙津

三十二 題塔子寺

醪醖壓架玉交加深院無人有落花却憶江南田舍
樂旋敲生火煮新茶

三十三 題斷堤寺 二首

柔柔細麥綠油油雲水烘春爛不收馬上困來尋歇
處斷堤寺裏半時留

三十四 又

堤邊楊柳密藏鴟堤上游人兩髻丫可惜行春來較

晚誰家畱得碧桃花

三十五 又

古寺畱春最得多紫微花畔海棠窠無人歲晚同幽
獨古栢陰森着薜蘿

張于湖集

宋學士和州張孝祥著 明宗後學張應元訂

後學楊侯胤

後學翁之裔閱

樂府

三十三 五十四 如夢令 木樨

花葉相遮相映雨過翠明金潤折得一枝歸滿路清
香成陣風韻風韻寄贈綺窓雲鬢

三十四 五十六 長相思

樂府

張子清集
小樓重下簾櫳萬點芳心綠間紅鞦韆圖畫中 草
茸茸柳鬆鬆細卷玻璃水面風春寒依舊濃

三十四

五十五

生杏子

遠山眉黛橫媚柳開青眼樓閣斷霞明簾幙春寒淺
杯延玉漏遲燭怕金刀剪明月忽飛來花影和簾卷

三十六

四十六

點絳脣

端午

萱草榴花畫堂永晝風清暑麝團菰黍助泛菖蒲醕
兵避神符命續同心縷宜歡聚綺筵歌舞歲歲酬

端午

三十五

四十五

又

餞劉恭父

綺燕高張玉潭月麗玻璃滿旆霞行卷無復長安遠
夏木陰陰路裊薰風轉空畱戀細吹銀筦別意隨

聲緩

三十四

四十四

又

贈袁立道

四到蘄州今年更是逢重九應時納祐隨分開尊酒
屢舞婆娑醉我平生友回首世間何有明月疎

疎柳

三十四

五十四

霜天曉角

柳絲無力冉冉縈愁碧繫我船兒不住楚江上晚風
急棹歌休怨抑有人離恨極說與歸期不遠剛不
信淚偷滴

三十九

浣溪沙

母氏生朝老者同在舟中

穩泛仙舟上錦帆桃花春浪舞清灣壽星相伴到人
間黃石公傳三百字西王母授九霞丹銀潢有路
接三山

三十三

又瑞香花

曠後春前別一般梅花枯淡水仙寒翠雲裘着紫霞
冠仙品只今推第一清香原不是人間爲君更試

小龍團

三十三

又餞鄭憲

寶蠟燒春夜影紅梅花枝傍錦薰籠曲瓊低捲瑞香
風萬里江山供燕几一時賓主看談鋒問君歸計
莫匆匆

三十三

又

鳩鵲樓高晚雪融鴛鴦池暖暗潮通鬱金黃染柳絲
風油壁不來春草綠闌干倚徧夕陽紅江南山色

有無中

三十三
又

妬婦灘頭十八姨
顛狂無賴占佳期
喚它滕六把春欺
憐愁鶯鶯并燕燕
恹恹柳柳與梅梅
東君獨自落便宜

三十三
二十七
又

樓下西風水拍堤
樓頭日日望春歸
雪晴風靜燕來遲
畱得梅花供半額
要將楊葉畫新眉
莫教辜負早春時

三十三
又
用沈約之韻

細仗春風簇翠筵
爛銀袍拂禁爐烟
旃書名字厭宮垣
太學諸生推獨步
玉堂學士合登仙
乃翁種德滿心田

三十三
四十一
又
貢茶沉水爲楊齊伯壽

北院春風小鳳團
炎州沉水勝龍涎
殷勤送與繡衣仙
玉食嚮來思苦口
芳名久合上凌烟
天教富貴出長年

三十三
四十一
又

霜日明霄水蘸空鳴鞘聲裏繡旗紅
淡烟衰草有無中
萬里中原烽火北一尊濁酒戍樓東
酒闌揮淚向悲風

三十三

四十二

又 再用韻

官柳垂垂碧照空九門深處五雲紅
朱衣只在殿當中
細撚絲梢龍尾北緩携綸旨鳳池東
阿婆三五笑春風

三十三

四十三

又

日煖簾幃春晝長纖纖玉指動枰床
低頭佯不顧檀郎
荳蔻枝頭雙蛺蝶芙蓉花下兩鴛鴦
壁間聞得啜茸香

三十三

二十六

又

冉冉幽香解鈿囊蘭橈烟雨暗春江
十分清瘦爲蕭郎
遙憶牙樁收楚纜應將玉筯點吳粧
有人縈斷九回腸

三十三

三十六

又 賦微之提刑綉扇

只說閩山錦綉幃忽從團扇得生枝
綉紅衫子映豐肌
春線應憐壺漏永夜針頻見燭花摧
塵飛一騎

張子清集
憶來時

三十三
又

晚雨瀟瀟急做秋西風掠鬢已颼颼燭花明夜酒花
浮醉眼定知非妙賞夸詞端爲貰窮愁想君涇渭
不同流

三十三
又 烟水亭蔡定夫置酒

灑灑湖光綠一圍修林斷處白鷗飛天機雲錦蘼空
飛乞我百弓真可老爲公一飲醉忘歸扁舟日日

弄精輝
又 劉恭父席上

卷旗直入蔡州城只倚精忠不要兵賊營半夜落妖
星萬里雲屯看整暇十眉環坐却娉婷白麻早晚
下天庭

三十三
又

玉節朱幢出翰林詩書謀帥眷方深威聲虎嘯復龍
吟我是先生門下士相逢有酒且教斟高山流水
遇知音

三十三
又 侑劉恭父別酒

樂府

射策金門記昔年又交藩翰入陶甄不妨衣鉢再三傳
粉淚但能添楚竹羅巾誰解繫吳船捧盃猶願
小畱連

三十三

三十四

又坐上十分客

同是瀛洲册府仙只今聊結社中蓮胡笳按拍酒如
川喚起封姨清晚景更將荔子薦新圓從今三夜
看嬋娟

三十三

三十六

又去荊州

方船載酒下江東蕭鼓喧天浪拍空萬山紫翠映雲
重擬看岳陽樓上月不禁石首岸頭風作箋我欲
問龍公

三十三

三十九

又次韻戲馬夢山與妓作別

羅襪生塵洛浦東美人春夢瑣窻空眉山蹙恨幾千
重海上蟠桃畱結子渥洼天馬去追風不須多怨
主人公

三十三

三十九

又夢山未醒然再作

一片西飛一片東高情已逐落花空舊歡休問幾時
重結習止如刀舐蜜掃除須着絮因風請君持此

問龐公

三十三
又 洞庭

行盡瀟湘到洞庭
楚天濶處數峯青
旗梢不動晚波平
紅蓼一灣紋纈亂
白魚雙尾玉刀明
夜涼船影浸疎星

三十三

二十四
又 親舊斷口相訪

六客西來共一舟
吳兒踏浪剪輕鷗
水光山色翠相浮
我欲吹簫明月下
畧須停棹晚風頭
從前五度到蘄州

三十三
又

已是人間不繫舟
此心原自不驚鷗
卧看駭浪與天浮
對月只應頻舉酒
臨風何必更搔頭
暝烟多處是神州

三十三
又

絕代佳人淑且真
雪爲肌骨月爲神
燭前花底不勝春
倚竹袖長寒捲翠
凌波襪小暗生塵
十分京洛舊家人

三十三
又

妙手何人爲寫真只難傳處是精神一枝占斷洛城春
暮雨不堪巫峽夢西風莫障庾公塵扁舟湖海
要詩人

三十四
減字木蘭花 二十六日立春

春如有意未接年華春已至春事還新多得年時五
日春 春郊便綠只向臘前春已足屈指元宵正是
新春二十朝

三十四
又 黃堅叟母生日

慈闈生日見說今年年九十戲綵盈門大底孩兒七
箇孫 人間喜事只這一般難得似願我雙親似
君家太淑人

三十三
又 琵琶亭林守王倅送別

江頭送客楓葉荻花秋瑟瑟絃索休彈清淚無多怕
濕衫 故人相遇不醉如何歸得去我醉忘歸烟滿
空江月滿堤

二十九
又 江陰州治漾花池

佳人絕妙不惜千金頻買笑燕姁鶯嬌始遣清歌透
碧霄 主人好事更倒一尊畱客醉我醉思家月滿

南池欲漾花

三十四

三十六

又 贈尼師舊角伎也

吹簫泛月往事悠悠休更說拍碎琉璃始覺從前萬
事非 清齋淨戒休作斷腸垂淚債識破囂塵作箇
逍遙物外人

三十四

三十六

又

柳花擲柳知道東君留意久慘綠愁紅憔悴都因一
夜風 輕狂蝴蝶擬欲扶持心又怯要免離披不告
東君更告誰

三十四

三十六

又

阿誰曾見馬上墻陰通半面玉立娉婷一點靈犀寄
目成 明朝重去人在橫溪溪畔住喬木千章搖落
霜風只斷腸

三十四

三十六

又

一尊畱夜寶蠟烘簾光激射凍合銅壺細聽冰簷夜
剪酥 清愁冉冉酒喚紅潮登玉臉明日重看玉界
瓊樓特地寒

三十四

三十六

又

愛而不見立馬章臺空便面想像娉婷只恐丹青畫
不成 詩人老去恰要鶯鶯相伴住試與評章歲晚
教人枉斷腸

三十四

三十七

又

人間奇絕只有梅花枝上雪有箇人人梅樣風標雪
樣新 芳心不展嫩綠陰陰愁冉冉一笑相看試薦
冰盤一點酸

三十四

一

菩薩蠻

立春

絲金縷翠幡兒小裁羅撚線花枝裊明日是新春春
風生鬢雲 吳霜看點點愁意春來淺只願此花枝
年年長帶伊

三十四

三

又

恰則春來春又去憑誰說與春教住爲問坐中人幾
回迎送春 明年春更好只怕人先老春去有來時
願春長見伊

三十四

十四

又 和州守胡明秀席上

乳燕屬國歸來早知君膽大應猶小一節不須論功
名看致君 鎮西樓上酒父老爲公壽更祝太夫人

年年封詔新

三五八 又

雪消牆角收燈後野梅官柳春全透池閣又東風燭
花燒夜紅 一尊畱好客欲盡欄干月已醉不須歸
試聽烏夜啼

三五五 又

三十四 胭脂淺染珠樹東風到處嬌無數不語恨厭厭何
人思故園 故園花爛熳笑我歸來晚我老只思歸
故園花雨時

三十四 又

溶溶花月天如水闌干小倚東風裡夜久寂無人露
濃花氣清 悠然心獨喜此意知何意不似隱牆東
燭花團坐紅

三十四 又

蘼蕪白芷愁烟渚曲瓊細卷江南雨心事怯衣單樓
高生晚寒 雲鬢香霧濕翠袖淒餘泣春去有來時
春從沙際歸

三十四 又 贈箏妓

琢成紅玉纖纖指十二絃上調新水一弄入雲聲月
明天更青 匆匆鶯語轉待寫昭君怨寄語莫重彈
有人愁倚欄

三十四

七

又 登浮玉亭

江山佳處畱行客醉餘老眼迷空碧獨倚最高樓
乾坤日夜浮 微風吹笑語白日魚龍舞此意忽翩翩
憑虛吾欲仙

三十四

四

又 春暮

東風約畧吹羅幕一簾細雨春陰薄試把杏花看濕
紅嬌暮寒 佳人雙玉枕烘醉鴛鴦錦折得最繁枝
煖香生翠幃

三十四

十

又 夜坐清心關

暗潮清漲蒲塘晚斷雲不隔東歸眼堂上晚風涼藕
花開處香 夜航人不渡白鷺雙飛去待得月華生
携筇獨自行

三十四

十六

又 與同舍遊湖歸

吳波細卷東風急斜陽半落蒼烟濕一棹采菱歌倚
欄人柰何 天公憐好客酒面風吹白更引十玻璃

月明騎鶴歸

三十四 又

縹緲飛來雙綵鳳
雨疎雲淡撩清夢
蘭薄未禁秋月
華如水流
采香溪上路
愁滿參差樹
獨倚晚樓風
斷霞縈素空

三十四 又

冥濛秋夕溥清露
玉繩耿耿銀潢注
永夜滴銅壺
月華樓影孤
佳人紆絕唱
翠幙叢霄上
休勸玉東西
烏鴉枝上啼

三十四 又 鵬舟采石

十年長作江頭客
檣竿又掛西風席
白鳥去邊明
楚山無數青
倒冠仍落岷
我醉君須醉
試問識纒不
青山與白鷗

三十四 又 諸客赴東隣之集

庭葉翻翻秋向晚
涼砧敲月催金剪
樓上已清寒
不堪頻倚闌
隣翁開社甕
喚客情應重
不醉且無歸
醉時歸路迷

三十四 又

玉龍細點三更月庭花影下餘殘雪寒色到書幃有
人清夢迷 墻西歌吹好燭煖香闌小多病怯杯觴
不禁冬夜長

三十四

四九 訴衷情 牡丹

亂紅深紫過羣芳初欲減春光花王自有標格塵外
鎖韶陽 畱國艷開仙鄉自天香翠幃遮日紅燭通
宵與醉千場

三十五

四八 又 中秋不見月

晚烟斜日思悠悠西北有高樓十分準擬明月還似

三十三

去年遊 飛玉筍卷瓊鉤喚新愁嫦娥貪共暮雨朝

雲忘了中秋

三十六 醜奴兒令

珠燈壁月年時節纖手同携今夕誰知自撚梅花勸
一卮 逢人問道歸來也日日佳期管有來時趕得
收燈也未遲

三十三

十二 又 張仲欽母夫人壽

年年有箇人生日誰似君家誰似君家八十慈親髮
未華 棠陰閣上棠陰滿滿勸流霞滿勸流霞來歲

應添宰路沙

又 仲欽生日用前韻

伯鸞德耀賢夫婦見說宜家見說宜家庭砌森森長
玉華 天公遣注長生籍服日食霞服日食霞壽紀
應須海筭沙

又 王公澤爲予言查山之勝戲贈

十年間說查山好何日追游木落霜秋夢想雲溪不
那愁 主人好事長畱客尊酒夷猶一笑登樓興在
西峯上上頭

又

十分濟楚邦之媛此日追遊雨霽雲收夢入瀟湘不
那愁 主人白玉堂中老曾侍宴旒滿酌瓊舟卽上
虛白呈案上頭

又

無雙誰似黃郎子自鄙無譏月滿星稀想見歌場夜
打圍 畫眉京兆風流甚應賦蚺蟻楊柳依依何日
文蕭蕭共駕歸

卜筮子

雪月最相宜，梅雪都清絕。去歲江南見雪時，月底梅花發。今歲早梅開，依舊年時月。冷艷孤光照眼明，只欠些兒雪。

三十四

五十一

好事近 木犀

一朵木犀花，珍重玉纖新摘。插向遠山深處，占十分秋色。滿園桃李鬧春風，漫紅紅白白。爭似淡粧嬌面，伴蓬萊仙客。

三十四

五十一

又 冰花

萬瓦雪花浮，應是化工融結。仍看牡丹初綻，有層層千葉。鏤冰剪水更鮮明，說道真奇絕。來報玉人佳兆，慶我公還闕。

三十四

五十一

憶秦娥 元夕

元宵節鳳樓相對，鰲山結。鰲山結，香塵隨步，柳梢微月。多情又把珠簾揭。遊人不放笙歌歇。笙歌歇，晚烟輕散，帝城宮闕。

三十四

三十九

清平樂 殿廬有作

光塵撲撲，宮柳底迷綠。鬪鴨闌干春語，曲簾額微風。綉蹙碧雲青翼，無憑憑困來。小倚銀屏楚楚，不禁春

晚黃鸝猶自聲聲

二十四
又楊侯書院聞酒所奏樂

油幢畫戟玉鉉調春色勳閣諸郎俱第一風流前輩
無敵 玉人雙鞵華鑣翠雲深處逍遙有客畱君東
閣時聞風下笙簫

三十四
四十二
又壽叔父

英姿慷慨獨立風塵外湖海平生豪氣在行矣雲龍
際會 克庭蘭玉森森一觴共祝修齡此地去天尺
五明年持橐西清

三十四
四十二
又

向來省戶謀國參伊呂暫借良籌非再舉談笑肅清
三楚 良辰上客倘佯奏篇猶記傳香此日一樽相
屬它時同在巖廊

三十四
四十二
又咏梅

吹香嚼蕊獨立東風裡玉凍雲嬌天似水羞殺夭桃
濃李 如今見說闌干不禁月冷霜寒壠上驛程人
遠樓頭戍角聲乾

三十九
畫堂春 上老母壽

蟠桃一熟九千年仙家春色無邊畫堂日煖卷非烟
畫永風妍 看取疏封湯沐何妨頻棹觥船方瞳綠

鬢對儒仙歲歲年年年年一
作尊前

三十一
桃源憶故人冬飲

朔風弄月吹銀霰簾幙低垂三面酒入玉肌香軟壓

得寒威歛 檀槽乍撚么絲慢彈得相思一半不道

有人腸斷猶作聲聲顫

三十一
柳梢青元宵何高士說京師舊事

今年元夕探盡江梅都無消息草市梢頭柳莊深處

雪花如席一尊隣里相過也隨分移時換節玉輦

端門紅旗夜市憑君休說

三十一
又探梅

溪南溪北玉香消盡翠嬌無力月淡黃昏烟橫清曉

都無消息 無聊更遶空枝斷魂遠重招怎得驛使

歸來戍樓吹斷空成悽惻
又餞別蔣德施粟子求諸公

重陽時節滿城風雨更催行色隴樹寒輕海山秋老

清愁如織 一杯莫惜畱連我亦是天涯倦客後夜

相思水長山遠東西南北

三十四

三十七

西江月

以隋索靖字法華經及古器為老人壽

漢鑄九金神鼎
隋書小字蓮經
剛風劫火轉青冥
護守應煩仙望
昨夢歸來帝所
今朝壽我親庭
只將此寶伴長生
談笑中原底定

山下有飲百元亭

三十四

三十三

又

代五三第為老母壽

慈母行封大國老仙
早上蓬山天憐陰德
徧人間賜與還丹
七返莫問青都紫府
長教綠鬢朱顏
年年今日綵衣班
兄弟同扶酒盞

三十四

三十一

又

桂州同僚餞別

窓戶青紅尚濕
主人已作歸期
坐中賓客盡鄒枚
盛事他年應記
別酒深深但勸離歌
緩緩休催扁舟
明日轉清溪
好月和望千里

三十四

三十一

又

為樞密太夫人壽

疇昔通家事
契只今兩鎮交承
起居樞密太夫人
綠鬢斑衣相映
乞得神仙九醞
祝教福祿千春
台星直上壽
星明長見門闌
鼎盛

三十四

三十一

又

張欽夫壽

諸老何煩薦口先生自簡淵衷千年聖學有深功妙
處無非日用 已授一編圯下却須三顧隆中鴻鈞
早晚轉春風我亦從君賈勇

又 蘄倅李君達才當靖康建炎之間以諸生起
兵河東屢摧強敵蓋未知其事重為感嘆賦此

不識平原太守向來水北山人世間功業謗虧成華

髮蕭蕭滿鏡 幸有出園故里聊分風月江城西湖

西畔晚波平袖手時來照影

又 二塔阻風

聞訊湖邊春色重來又是三年東風吹我過湖船楊

柳絲絲拂面 世路如今已慣此心到處悠然寒光

亭下水如天飛起沙鷗一片

又

風定灘聲未已雨來篷底先知岸邊楊柳最憐伊記

得船兒會繫 湖霧平吞白塔茅簷自有青旗三杯

村酒醉如泥天色寒呵且睡

又 阻風三峯下

滿載一船秋色平鋪十里湖光波神留我看斜陽放

起鱗鱗細浪 明日風回更好今宵露宿何妨水晶

宮裡奏霓裳準擬岳陽樓上

三十四
又

樓外疎星印水樓頭畫燭烘簾憑高舉酒恨厭厭征
路虛無指點 酒興因君開濶山容向我增添一鈞
新月弄纖纖濃霧花房半斂

三十四
又 重九

冉冉寒生碧樹盈盈露濕黃花故人玉節有光華高
會仍逢戲馬 萬事只今如夢此身到處為家與君
相遇更天涯揀了茱萸醉把

三十四
又 南歌子 贈吳伯承

人物羨皇上詩名沈謝間湯郎元自湯為官醉眼瞢
騰只擬看湘山 小隱今成趣隣翁獨往還野堂梅
柳尚春寒且趁華燈頻泛酒船寬

三十四
又 仲彌性席上

曾到蘄州不人人說使君使君少具合經綸小試邊
城早晚上星辰 佳節重陽近清歌午夜新舉盃相
屬莫辭頻後日相思我已足行人

三十三
又 望江南 贈談獻可

張子湖集
談子醉獨立晚東風未試玉堂揮翰手只今楚澤釣
魚翁萬事舉盃空 謀一笑一笑與君同身老南山
看射虎眼高四海送飛鴻赤岸晚潮通

二十三

四元

又 南嶽銓德觀作

朝元去深殿叩瑤鍾天近月明黃道冷參回斗轉碧
霄空身在九光中 風露下環珮囀丁東玉案燒香
縈翠鳳松壇移影動蒼龍歸路海霞紅

二十三

四十五

浪淘沙

琪樹間瑤林春意深深梅花還被曉風禁竹裡一枝

斜向我欲訴芳心 樓外倦重陰玉界沉沉何人低
唱醉泥金掠水飛來雙翠碧應寄歸音

二十三

四十六

又

溪練寫寒林雲重烟深樓高風惡酒難禁徒倚闌干
誰共語江上愁心 清興滿山陰鴻斷魚沉一書何
管值千金獨撫瑤徽絃欲斷憑寄知音

二十三

十 鸞鳴天

上元設醮

詠徹瓊章夜向闌天移星斗下人間九光倒景騰青
簡一氣回春遶絳壇 瞻北闕祝南山遙知仙仗簇

清班何人曾侍傳棋宴翡翠簾開識聖顏

又

子夜封章叩紫清五霞光裏珮環聲驛傳風火龍鸞
舞步入烟霄孔翠迎 瑤簡重羽衣輕金童雙引到
通明三湘五筦同民樂萬歲千秋與帝齡

又 淮西爲老人壽

晝得嬉遊夜得眠農桑欲徧楚山川問看百姓知公
否餘子紛紛定不然 思主眷酌民言與民稱壽拜
公前只將心與天通處合住人間五百年

又 爲老婦壽

阿母蟠桃不記春長沙星裏壽星明金花羅紙新裁
詔貝葉旁行別授經 同犬子祝龜齡天教二老鬢
常青明年今日稱觴處更有孫枝滿謝庭

又 平國弟生日

楚楚吾家千里駒老人心事正關渠風流合是堦除
玉愛惜真成掌上珠 紆綵緜薦芳壺老人還醉第
兄扶問將何物爲兒壽付與家傳萬卷書

又

張子湖集
月地雲堦歡意闌仙姿不合任人間驂鸞已恨車塵
遠泣鳳空餘燭影殘
情黯黯淚珊珊梅花音信隔

關山只應楚雨清畱夢不那吳霜綠易斑

三十三
十四
又 提刑仲欽行部萬里閱四月而後來歸輒成
為太夫人壽

去日清霜菊滿蓂歸來高柳絮纏空長驅萬里山收
瘴徑渡層波海不風
陰德徧嶺西東天教慈母壽
無窮遙知今日稱觴處衣綵還將衣繡同

三十三
十六
又 贈錢橫州子山

舞舞鳳飛龍五百年畫將錦繡裏山川王家券冊諸孫

嗣王第笙歌故國傳
居玉鉉擁金蟬祗今門戶慶
蟬聯君侯合侍明光殿且作橫槎海上仙

三十三
又

憶昔追遊翰墨場武夷仙伯較文章琅函奏號銀臺
省匱筆書名御苑墻
經十載過三湘橫楫麗錦照
傳觴醉餘吐出胸中墨只欠彭宣到後堂

三十三
十七
又 餞別劉恭父

浴殿西頭白玉堂湘江東畔碧油幢北辰躔次占星
象南國山川解印章
一隨步武謝恩光送公歸趣舍

人裝它年若有傳衣鉢今日應須醺壽觴

三十一
又 餞劉恭父

割鐙難畱乘馬東花枝爭看裊長紅袞衣空使斯民
戀綠竹誰歌入相同 回武事致年豐幾多遺愛在
湘中須知楚水楓林下不似初聞長樂鐘

三十二
又 荆川別同官

又向荊州住半年西風催放五湖船來時露菊團金
顛去日池荷疊綠錢 斟別酒扣離絃一時賓從最
多賢今宵擗醉花迷坐後夜相思月滿川

三十三
又

憶昔彤庭望日華匆匆枯筆夢生花鬱輪袍曲轡新
奏風送銀灣犯斗槎 追往事甫新瓜飛蓬何事及
蘭麻一江湘水流餘潤十里河堤築淺沙

三十四
又

瞻蹕門前識個人柳眉桃臉不勝春
一作香車油壁照彫輪 短
襟衫子新來棹四直冠兒內樣新 秋色淨曉粧勻

不知何事在風塵王翁若也憐幽獨帶取妖嬈上玉
宸

三十一

鵲橋仙 為老人壽

東明大士吾家老子是一原知非二共携甘雨趁生
朝做萬里豐年歡喜 司空山上長沙星裡乞與無
邊祥瑞仙家日月鎮長春笑人說長生久視

三十二 又 為平國弟生日

湘江東畔去年今日堂上簪纓羅綺弟兄同拜壽尊
前共一笑歡歡喜喜 渚宮風月邊城鼓角更好親
庭一醉醉時重唱去年詞願來歲強如今歲

三十三 又 以果酒為黃子默壽

南州名酒北園珍果都與黃香為壽風流文物是家
傳睨血指旁觀袖手 東風消息西山爽氣總聚君

家戶牖舊時曾識玉堂仙在帝所頻開薦口
三十四 又 邢少連送茉莉

北窻涼透南窻月上浴罷滿懷風露不知何處有花
來但怪底清香無數 炎州真產吳兒未識天與幽
芳獨步冰肌玉骨歲寒時倩閒止堂中畱住

三十五 又 落梅

吹香成陣飛花如雪不那朝來風雨可憐無處避春

寒但玉立仙衣數縷
清愁萬斛柔腸千結醉裡一
時分付與君不用嘆飄零待結子成陰歸去

又

橫波滴素遙山蹙翠江北江南腸斷不知何處馭風
來雲霧裡釵橫鬢亂
香羅疊恨蠻牋寫意付與瑤
臺女伴醉時言語醉時愁道醒了休教再看

又 戲贈吳伯承侍兒

明珠盈斗黃金作屋占了湘中秋色金風玉露不勝
情看天上人間今夕
枝頭一葉琴心三疊等弄有詩

名消得野堂從此不蕭疎問何日尊前客

又 別立之

黃陵廟下送君歸去上水船兒一隻離歌聲斷酒杯
空容易裡東西南北
重湖風月九秋天氣冉冉新
愁如織我家住在楚江濱爲頻寄雙魚素尺

虞美人 代季第壽老人

雪花一尺江南北薪盡炊無粟老仙活國試刀圭千
萬人家生意與春回
天公一笑醜陰德賜與長生
籍今朝雪霽壽尊前看我雙親都是地行仙

三十一

二十四

又 贈盧堅叔

盧敖夫婦驟鸞侶相敬如賓王森然蘭玉滿尊前舉
椽齊眉樂事看年年 我家白髮雙垂雪已是經年
別今宵歸夢楚江濱也學君家兒子壽吾親

三十二

二十六

又

柳梢梅萼春全未誰會傷春意一年好處是新春柳
底梅邊只欠那人人 憑春約住梅和柳畧待些時
候錦帆風送綵舟來却遣香苞嬌葉一齊開

三十三

二十九

又

羅衣怯雨輕寒透陡做傷春瘦箇人無柰語佳期徙
倚黃昏池閣等多時 當初不似休來好來後空煩
惱倩人傳語負商量只得千金一笑也甘當

三十四

二十六

又 無為作

雪消烟漲清江浦碧草春無數江南幾樹夕陽紅點
點歸帆吹盡晚來風 樓頭自摩挲昭華瑄我已無腸
斷斷行雙鴈向人飛織錦回文空在寄他誰

三十五

二十七

又

溪西竹榭溪東路溪上山無數小舟却在晚烟中更

看蕭蕭微雨打疎篷 無聊情緒如中酒此意君知
否年時曾向此中行有箇人人相對坐調箏

三六 南鄉子 送朱元晦行張欽夫邢少連同集

江上送歸船風雨排空浪拍天賴有青尊澆別恨悽
然寶燭燒香看吸川 楚舞對湘絃煖響圍春錦帳
羶坐上定知無俗客俱賢便是朱張與少連

三十三 醉落魄

輕黃淡綠可人風韻閒粧束多情早是眉峯蹙一點
秋波隔裏覩人毒 桃花庭院光陰速銅鞮難唱大

堤曲歸時想是櫻桃熟不道鞦韆誰伴那人蹴

三十三 四 踏莎行

楊柳東風海棠春雨清愁冉冉無來處曲徑驚飛蛺
蝶叢回塘凍濕鴛鴦侶 舞徹霓裳歌殘金縷靡蕪
白芷愁烟渚不識陽臺夢裡雲試聽華表歸來語

三十一 又 爲朱漕壽

桂嶺南邊湘江東畔三年兩見生申旦知君心地與
天通天教仙骨年年換 趁此秋風乘槎霄漢看看
黃紙書來喚但令丹鼎未頻添莫辭酒盞春無筭

三十三

又 送別劉子思

古屋藜祠孤舟野渡長年與客分携處漠漠愁陰嶺
上雲蕭蕭別意溪邊樹 我已北歸君方南去天涯

客裡多岐路須君早出瘴烟來江南山色青無數

三十三

又 長沙牡丹花極小戲作此詞并以二枝為伯承欽夫諸兄一觴之薦

浴下根株江南栽種天香國色千金重花邊三閣建
康春風前十里揚州夢 油壁輕車青絲短鞵看花

日日催賓從而今何許定玉城一枝且為鄰翁送

三十三

又 荆南作

旂葺荒園初開小徑物華還與東風競曲檻暉暉落
照明高城冉冉孤烟暝 柳色金寒梅花雪靜道人
隨處成幽興一杯不惜小淹畱歸期已理滄浪艇

三十三

又 壽黃叟併以送行

時雨初晴詔書隨至邦人父老為君喜十年江海始
歸來祥曦殿裡攬班對 日月開明風雲感會切須

穩上平戎計天教慈母壽無窮看君黃髮腰金貴

三十三

又

萬里扁舟五年三至故人相見尤堪喜山陰乘興不

須回昆耶問疾難爲對 不藥身輕高談心會匆匆
我又成歸計它時江海肯相尋綠蓑青蒨看清貴

三十三
又 五月十三月甚佳

藕葉池塘榕陰庭院年時好月今宵見雲鬟玉臂共
清寒冰綃霧縠誰裁剪 撲粉香綿侵塵寶扇遙知
掩抑成悵怨去程何許是歸程離觴爲我深深勸

三十三
四十七
定風波

鈴索聲乾夜未央曲闌花影步淒涼莫道嶺南冬更
煖君看梅花如雪月如霜 見說墻西歌吹好玉人扶

坐勸飛觴老子婆娑成獨冷誰省自挑寒燧自添香

唐多令

花下鈿箏篋樽前白雪謳記憶中朱李曾投鏡約釵
盟心已許詩寫在小紅樓 後缺

三十三
五十二
臨江仙

試問梅花何處好與君藉草携壺西園清夜片塵無
一天雲破碎兩樹玉扶疎 誰擘昭華吹古怨散花
便滿衣裾只疑幽夢在清都星稀河影轉霜重月華

孤

三十三

又

問訊宜樓樓下竹年來應長新篁使君五嶺又三湘
舊游知好在熟處更難忘 尚念論心舒嘯否只今

湖海相望遙憐陰過酒尊涼舉 須酌我門外是清

江

三十三

蝶戀花

懷于湖

恰則杏花紅一樹撚指來時結子青無數漠漠春陰

纏柳絮一天風雨將春去 春到家山須小住芍藥

櫻桃更是尋芳處遶院碧蓮三百畝畝畝春伴我春應

許

三十三

又 送姚王管柳州

君泛仙槎瀛海去後日相思地角天涯路草草杯盤

深夜語冥冥四月黃梅雨 莫拾明珠并翠羽但使

邦人愛我如慈母待得政成民安堵朝天衣袂翩翩

舉

三十三

又 送劉恭父

畫戟旂閑刀入鞘安石榴花影落紅欄小似勸先生

須飲醕枕中鴻寶微傳妙 袞袞鋒車還急詔滿眼

伴 還丹九轉凡骨親曾換携劍到人間偶相逢依
然青眼狂歌醉舞心事有誰知明月下好風前相對
綸巾岸

滿江紅

秋滿蘅臯煙蕪外吳山歷歷風乍起蘭舟不住浪花
搖碧離岸櫂聲驚漸遠盈襟淚顆淚猶滴問此情能
有幾人知新相識 追往事歡連夕經舊館人非昔
把輕顰淺笑細思重憶紅葉題詩誰與寄青樓薄倖
空遺迹但長洲茂苑草萋萋愁如織

又 蕪湖晚觀亭

千古淒涼興亡事但悲陳迹迷望眼吳波不動楚山
叢碧巴滇駮駿追風遠武昌雲旆連江赤笑老姦遺
臭到如今空留壁 暉書靜烽烟息通軺傳銷鋒鏑
仰太平天子坐收長策蹴踏揚州開帝里渡江天馬
龍爲匹看東南佳氣鬱葱葱傳千億

又 思歸寄林柳州

秋滿灘源瘴雲靜曉山如簇動遠思空江小艇高丘
喬木策策西風雙鬢底暉暉斜日朱欄曲試側身回

首望京華迷南北 思歸夢天邊
鵲官遊事蕉中鹿
想一年好處砌紅堆綠羅帕
分枰霜落齒冰盤剝芡
珠盈翹倩春纖縷膾搗香
麝新篇熟

又 詠雨 一作憶舊

斗帳高眠寒窻靜 瀟瀟雨意
南樓近更移三鼓漏傳
一水點點不離楊柳外
聲聲只在芭蕉裏也不管滴
破故鄉心愁人耳 無似有遊
絲細聚復散真珠碎
天應分付與別離滋味
破我一床蝴蝶夢輸他雙枕
鴛鴦睡向此際別有好思量
人千里

三十一

三十一

念奴嬌

雪呈朱漕元順

朔風吹雨送淒涼 天意垂垂欲雪
萬里南荒雲霧滿
弱水蓬萊相接凍合龍崗
寒侵銅柱碧海冰漸結憑
高一笑問君何處炎熱
家在楚尾吳頭歸期猶未
對此驚時節記得年時貂帽
煖鐵騎千羣觀獵狐兔
成車歌鍾穰地歸踏層城
月持盃且醉不須北望淒

切

三十二

三十二

又 洞庭

洞庭青草近中秋更無一點風色
玉界瓊田三萬頃

着我扁舟一葉素月分輝銀河共影表裏俱澄徹

然心會妙處難與君說 應念嶺海經年孤光自照

肝肺皆冰雪短髮蕭騷襟袖冷穩泛滄浪空濶盡挹

西江細領北斗萬象為賓客扣舷獨笑不知今夕何

夕

補遺

西江月

飲百花亭為武夷樞密先生作亭望廬山雙劍峯為惡竹所蔽是夕盡伐去

落日鎔金萬頃晴嵐洗劍雙鋒紫樞元是黑頭公佳

處因君愈重 分得湖光一曲喚回廬嶽十峯清尊

今夜偶然同早晚商巖有夢

唐多令

花下調箜篌樽前白雪謳記懷中朱李曾投鏡約釵

盟心已許詩寫在小紅樓 重繫木蘭舟復典鸚鵡

裘好風月不管閒愁司馬青衫容易濕終不惜錦纏

頭

風入松慢

東風巷陌暮寒驕燈火鬧河橋勝遊憶徧錢塘上青

鸞遠信斷難招蕙草情隨雪盡梨花夢與雲銷 美

人應是盼歸橈清夜斷魂邀淡雲冷月虛庭際幽思

馳迅千里非遙玉笙聲諧寶瑟木難應報瓊瑤

長淮歌詞

張安國在建康留守席上賦一篇云長淮望斷云云歌闕魏公爲罷席而

六州歌頭

入○見稗編增

長淮望斷關塞莽然平征塵暗朔風勁悄邊聲黯消
凝追想當年事殆天數非人力洙泗上絃歌地亦擅
腥隔水蘼鄉落日牛羊下區脫從橫看鷓鴣王宵獵騎
火一川明笳鼓悲鳴遺人驚念腰間箭匣中劍空埃
蠹竟何成時易失心徒壯歲將零渺神京干羽方懷
遠靜烽燧且休兵冠蓋使紛馳驚若爲情聞道中原
遺老長南望翠葆霓旌遣行人到此終憤氣填膺有

汨如

三十四

五十六

蒼梧話

錢劉恭父
二首

歸十畝人家兒樣啼
公歸去何日是來時
歸獵獵薰風颭綉旗
攔教任重舉送行杯
歸數得宣麻拜相時
秋前後公袞更萊衣

金沙堆賦

洞庭之野吞楚七澤
乘秋而霽天水一色
登高攄以掛席兮
插余舟之兩翼
凌長風以破浪兮
駭掀舞於一葉
橫中流而北望兮
何黃金之突兀
觸白日以騰耀兮
疑波神之汎宅
舟人告余曰
此金沙堆也
壁立

千仞衡亘百步靈鰲之背狐起以自暴兮棄方丈而

不復湧青城之玉局兮遲虛皇

一本作
靈皇

而來下太倉

露積以弗校兮白粲粲而非腐熬海波以出素兮莽

既多而無數胡山十丈之雪結而不復釋兮吳江八

月之潮來而不復去諒非目見而心識兮雖巧譬其

焉喻客有嘆曰塹土爲城隱以金椎一雨之暴或傾

以摧之今此沙也質輕而性離得水而走得風而飛

澶漫乎大漠之北飄流乎崑丘之西曷稽天之巨浸

兮獨與此而相宜廉隅峻以特起兮若斗之覆而四

維潦盡不爲之高兮春既漲不爲之卑風揭石以拔

木兮蛟鼉駕海而上馳捲近岸之丘阜兮若烈火焚

乎枯萁謂此沙既無有兮當散入渺瀰旦起而視之

兮曾無毫髮之或夷豈與息壤同生兮爲上帝之所

私將富媪之多藏兮萬寶萃而在茲豈女媧五色之

石兮完天漏之所遺將神禹治水兮聚九野之土以

補東南之虧豈劫火之灰兮歲既久而莫移將神龍

之攸居兮百鬼夜築而守之微至理而莫得兮願先

生之予思也張子笑之曰子來前天地之間何所不

有遠者莫知近或可取今夫積水爲冰及春而漸此
物之常理也然凌人氏乃得而藏之聖其土使地氣
無所洩厚其覆使天氣不行天且暑矣於是方起而
獻之夫以一人之私猶能變易陰陽之度而况天地
之大乎沙之積不積流不流安所置論子行矣

辭

攻蚊

后皇嘉生物有羣此強者熊虎弱羔獺此畜我遠我
區以分此各保性命不相紛此爾獨何化以爲蚊此
匪強匪弱孰使云此廉纖么麼毒所熏此利喙短翼
飛翁翁此羸腹曲脚豹成文此藏陰伏翳湏日曛此
微類嘯族乘惡氛此渙散揮霍絲之焚此綠頭撲臂
來如雲此入隙伺鏹霰雪雰此伊伊滂滂相懽忻此
嗜膚吮血飽以醺此前捷甫去後亦厯此無可柰何
夕及昕此引鏡自照面纈紋此客或告我祈火君此
彼嗜臭惡憎芳芬此謀野則獲采蕭薰此載暴載焚
烟網緼此儻不退聽秉烈焚此如彼卽墨熾燕軍此
焦腸爛腹翅羽旌此舉徒盡燼永不聞此涼霄大枕

奏厥勲此豈其不仁我則僅此當斷不斷露汝筋此
祭金沙堆廟

三
愴九秋之半兮絕洞庭予將歸登磊石以遐矚兮天
水莽而相圍鯨波浩其呼洶兮蛟鱗擇食以自肥育
風憑怒無時期兮橫中流吾焉依舟人諗余以湖君
之神靈兮曰甚仁而又威若著龜之可信兮盍潔齊
而致祈嗟余禱之既久兮豈夫神今日之我違晨光
杲其東升兮破積霧之霏微凝秋霽之萬頃兮檣烏
轉而北飛棹夫集合以奏功兮若駟馬熟路而駢駢

寄千里於一瞬息兮才舉手而一揮扣靈宮以午瀉
兮目眩積沙之輝隨濤波以上下兮岌金城之巍巍
信真仙之攸宅兮羌見聞之所稀粉墻行樹繚以直
兮鋪首鳴其朱扉儼帝服之中居兮亦班寵于厥妃
來牲酒之雜遝兮紛滿堂之芳菲懷沙大夫之侑食
兮噫孰知其是非烏喙魚服沙鱸鯉鯉睢肝以列侍
兮駭怪譎之裳衣蓋專制楚之七澤兮實參握乎天
威者也田余役之既久兮闕水菽於庭聞瞻白雲以
延望兮朝墜至乎夕暉苟利涉以邁達兮豈安福之

張子湖集
敢希感神貺余以獨厚兮銘肺一本作膺而三歛跪陳
辭而侑觴兮聊彷彿其音徽

頌

壽芝之頌代總得居士上鄭漕并序時年十九作

上既專任一德方內底定眷江之北昔爲戰墟生
聚教訓十年於茲矣日疇予寶臣持節以豈第德
惠爲予撫綏之百辟卿士再拜言漕江東臣某再
考績爲天下最宜可上日俞哉於是有詔華原增
秩總部淮南十有六州詔下之日淮民歡呼奔走

相告自州達之縣自縣達之田里自田里達之窮
巖幽谷公江東之治仁聲義氣漸被于兩淮故淮
民間公之來其喜如此越翌日歷陽郡東鄙樵民
有得異草于松根者郡人張某寔公門下士屬公
誕辰甫及當有頌詩形容盛德迺以九月吉日潔
齊執筆爲文未有緒俯而假寐若有告者曰姑置
之天將以芝畀女爲公壽某驚悟已而樵民奉芝
款門日疇昔獲此弗之識而神夢謂予是蓋所謂
芝者天以華原公將持節吾土是生靈物而爲瑞

且此月之十日則公生之日是芝則又昭示公難老之徵若里人有張氏者寔公客亟歸之俾得獻公不者禍女神言如是我懼是以來某亦解昨者假寐若告之言盛服再拜而受之信芝也一本二榦高廣有咫堅密溫潤色如紫玉輪困蒼鬱駢爲七枝華葉敷芬則十有四藹然若卿雲捧日燦然若奇葩豔春噫戲異哉未曾有也神之命公可謂深切著明矣不知天之於人相去遠近而其物類之感召如是其敏且速耶且以公將持節西州而

爲呈瑞則胡不降甘露流醴泉異畝同穎鳳凰翔集耶不以是數者爲應而應以芝天意若曰芝上瑞也不春而華不秋而實不根而植前翦而置之雖歷數千百年而猶敷腴克實則芝非特上瑞又壽草也天與公瑞則於除命之後瑞草發於淮西之境天與公壽則生朝之前壽草產於古松之下物儀昭顯決非偶然者卿惟甘露醴泉嘉禾翔鳳之來謂之祥瑞則可矣烏在其爲壽徵也於以見天之錫公富貴壽考廣大繁昌有永無極豈兩淮之

民獨受其福將天下生靈寔受其福豈公獨有其
瑞將朝廷國家寔有其瑞然則此芝來所繫大矣
哉謹拜手稽首而爲之頌曰

濯濯靈芝施於古松天錫珍祥以壽鄭公文武鄭公
其德孔碩文正之子柔嘉維則天子命公汝子寶臣
宣力四方其牖我民公拜稽首奉天子命自西徂東
惟一其政孰寒而饑公衣食之孰癘而疝公藥在之
孰穢不幸則訓則治孰姦賊民則耨則夷條疎節披
罔亦不宜天子命公汝有成績盍其歸矣箴補袞職
淮堧奕奕其疆千里奠國北門孰與予理在列咸咨
曰公克任天子命公輟女往鎮公來之初靈芝則生
亦以壽公寵錫百朋蔚彼芝矣厥生孔時爰發其祥
以公來綏蔚彼芝矣公公介眉壽數百千祀與國長久
神則有言芝以瑞公入侍帝旁九旒升龍神則有言
芝以壽公楚南春秋綠髮方瞳我作頌詩式昭罔極
誕保休徵有永無斁

樂章

降神

於神何司而德於木肅然顧歆則我斯福我祀孔時
我心載祇匪我之私神來不來

又

神兮焉居神在震方仁以爲宅秉天之陽神之來矣
道脩以阻望神未來使我心苦

又

神在途矣習習以風百君後先敢一不恭奔走癘疫
祓除蓄凶顧瞻下方逍遙從容

又

溫然仁矣熙然春矣龍駕帝服穆將臨矣我酒清矣
我看丞丞矣我樂備矣我神顧矣

升降壇

在國之東有壇崇成節以和樂式降式登潔我珮服
璆琳鏘鳴匪壇斯高曷妥厥靈

青帝位奠幣

物物熙熙胡爲其然蒙神之休乃莫報旃有邸斯珪
有量斯幣于以奠之格此精意

太昊位奠幣

卜歲之初我迎春祺孰克侑饗日古宓戲於皇太初
遐哉綿邈鑒此精虔賁臨大寶

